



TAA

003

JARIDA MTANDAO SEPTEMBA

BILIONI 165 ZASAINIWA UJENZI WA KIWANJA CHA NDEGE CHA MSALATO



Serikali imesaini mkataba wa ujenzi wa fikiwa.

Kiwanja cha Ndege cha Kimataifa cha Msalato kwa gharama ya shilingi takribani bilioni 165.

Ujenzi huo unatekelezwa kwa ushirikiano wa kampuni tatu kutoka China ambazo ni Sinohydro Corporation limited, M/s Beijing Sino-Aero Construction Engineering Co. limited pamoja na M/s China Jiangxi International Economic and Technical Cooperation Co. Ltd ambapo unatarajiwa kukamilika ndani ya kipindi cha miezi 36 kutoka sasa.

Waziri wa Ujenzi na Uchukuzi, Profesa Makame Mbarawa, akiwa kama shahidi amewataka wakandarasi hao kutekeleza mradi huo kwa viwango vilivyokubaliwa kimkataba na kwa kuzingatia muda ili kuwezesha malengo ya Serikali ya kuifanya Dodoma kuwa Mji Mkuu wa Serikali ku-

“Serikali tumejipanga kuhakikisha malipo kwa mkandarasi yanalipwa kwa wakati, hivyo hakikisheni Mkandarasi anatekeleza majukumu yake yote kwa mujibu wa mkataba, hatutakubali visingizio vyovytote”, amesema Waziri Prof. Mbarawa.

Naye, Mkuu wa Mkoa wa Dodoma, Antony Mtaka, ameishukuru Serikali kwa kufikia hatua hiyo na kuahidi kutoa ushirikiano kwa wakandarasi pale unavyohitajika.

Huku akiwataka wananchi wa Dodoma kutumia fursa ya ujenzi wa kiwanja cha ndege huo kupata ajira na kusisitiza kufanya kazi kwa uaminifu na bidii kwa watakaofanikika kupata ajira katika mradi huo.

Kwa upande wake, Katibu Mkuu wa Wizara ya Ujenzi na Uchukuzi (Sekta ya Ujenzi), Mhandisi Joseph Malongo, amesema Wizara imejipanga kukamilisha taratibu za ki-

utendaji zilizobaki kwa wakati na kuwataka wote wanaohusika na mradi huo kuanza kazi mara moja.

“Mkataba umekamilika tunawataka wakandarasi na wasimamizi waende site mara moja, wizara tuko tayari kwa kazi, amesema Katibu Mkuu Mhandisi Malongo. Mtendaji Mkuu wa Wakala wa Babaraba Nchini (TANROADS) Mhandisi Rogatus Mativila, amesema ujenzi wa Kiwanja cha Ndege cha Msalato utahusisha awamu mbili ambapo awamu ya kwanza itakuwa ni ujenzi wa barabara ya kuruka na kutua ndege na ujenzi wa majengo ikiwemo jengo la abiria.

Kiwanja hicho kitakuwa na uwezo wa kuhudumia abiria milioni 1.5 kwa mwa ka pindi kitakapokamilika

SERIKALI YAWEKEZA KIMKAKATI KIWANJA CHA NDEGE CHA MWANZA



SERIKALI imewekeza kimkakati kwenye Kiwanja cha Ndege cha Mwanza, baada ya kuongeza urefu wa barabar ya kutua na kuruka ndege kutoka mita 3,300 hadi mita 3,800, ili kuruhusu ndege kubwa kutoka mataifa mbalimba-li ziweze kuruka na kutua bila tatizo.

Kauli hiyo imetolewa leo na Naibu Waziri wa Wizara ya Ujenzi na Uchukuzi Sekta ya Uchukuzi), Mh. Mwita Waitara alipofanya ziara ya kikazi kwenye kiwanja hicho, ambapo pia amesema kumejengwa kituo cha umeme wa dharura kilichofungwa majenereta ya kisasa, ambayo yanatumika endapo umeme wa Shirika la Umeme nchini (Tanesco) ukikatika au kuwa mdogo kazi na huduma zinaendelea bila kuathirika.

“Hapa kuna umeme wa uhakika pame-fungwa mitambo ya kisasa hata kama umeme wa Tanesco ikitokea umekatika au kupungua tunajenereta ili wakati wote huduma ziweze kupatikana kwa sababu usafiri wa anga ni usafiri wa kimataifa, ukifanya kosa hapa Mwanza umeathiri nchi nzima na unawajibish-wa Kimataifa na Shirika la Kimataifa la Anga, linafuatilia kwani lazima huduma

zikidhi vigezo hivyo,” amesitiza Mh. Waitara.

Kiwanja hicho kimefungwa majenereta makubwa manne ya kufua wa umeme wa dharura, ambapo mawili yana ukubwa wa KvA 650, huku.mengine ni KvA 400 na KvA 350.

Pia amesema kiwanja hicho kimefung-wa taa za kumuongoza rubani kutua na kuruka nyakati za usiku, ambapo kumekuwa na usalama.

Hata hivyo, Mh. Waitara amesema serikali inaendelea kununua ndege hivyo ni lazima kuwe na viwanja vinavyofanya kazi saa 24, pia kuwe na umeme wa uhakika, rada za kuongoza ndege na mitambo ya kisasa ya utabiri wa hali ya hewa, ambapo kutasababisha kuongezeka kwa ndege, watalii na pato la taifa.

Halikadhalika, Mh. Waitara amesema serikali imeboresha usalama kwenye viwanja vyta ndege wa kufunga rada ya kisasa, ambazo zinawakikishia watoa huduma kuwa anga la Tanzania ni salama wakati wote.

Lakini, amewakumbusha mamlaka zote zinazohusiana na usafiri wa anga kuwa

serikali imewekeza kwa lengo la kuk-usanya mapato, ambapo sasa anga ni fedha kutokana na ndege zote zinazoz-ingia nchini au kupita kwenye anga la Tanzania zinalipia tofauti na zamani. Naye Meneja wa Kiwanja hicho, Bw. Paschal Kalumbete amesema serikali ipo katika hatua za mwisho ili kukifanya kiwanja hicho kuwa cha kimataifa kutokana na kuwa na miundombinu ya kisasa.

“Serikali imewekeza miundombinu ya kisasa mfano kumewekwa majenereta makubwa yenye uwezo wa kupokea, kufua na kusambaza umeme ambapo kunatoa uhakika wa huduma zinaweza kutolewa kwa saa 24 bila kujali kunapokuwa na changamoto za umeme,” amesema Bw. Kalumbete.

Pia amesema “ili uweze kushindana kimataifa, inapaswa kuhakikisha kuwa viwango vyta usalama kiwanjani kwako viko juu kwa mfano uwepo wa rada unaboresha usalama kwa usafiri wa anga kwani inawawezesha waongoza ndege kufanya kazi kwa ufanisi mkubwa pasipo kusababisha ajali”.

BILIONI 35 KUJENGA KIWANJA CHA NDEGE CHA MUSOMA



Serikali imesema inatarajia kutumia kiasi cha Shilingi Bilioni 35 kuboresha kiwanja cha ndege cha Musoma, mkoani Mara, kwa kuweka lami na kuongeza urefu wa kiwanja hicho ili kuruhusu ndege kubwa na ndogo kuweza kutua na kuruka kupitia kiwanjani hapo.

Hayo yalisemwa na aliyekua Waziri wa Ujenzi na Uchukuzi, Mhandisi Dkt. Leonard Chamuriho, alipofika kiwanjani hapo kukagua maandalizi ya ujenzi wa kiwanja hicho.

“Tunatarajia ujenzi huu utagharimu shilingi Bilioni 35 ambapo utahusisha upanuzi wa uwanja huu na pia uwekaji wa lami, naamini kazi hizi zikikamilika uwanja huu utakuwa wa kisasa zaidi”, amesema Chamuriho.

Aidha, alitoa wito kwa wananchi wa mkoa huo na vitongoji vyake ambao watapata ajira katika mradi huo, kuhakikisha kuwa wanatumia vizuri fursa watakayoipata kwa kuwa waaminifu na kufanya kazi kwa bidii.

Kwa upande wake, Mkuu wa Wilaya ya Musoma, Dkt. Khalifani Haule, alisema kuwa mradi huo ukikamilika utaraphisi-

sha huduma za usafiri na usafirishaji kwa wananchi wa Musoma na pia kuchocha biashara ya utalii kupitia Hifadhi ya Taifa ya Serengeti ambayo ipo mkoani humo. Ameongeza kuwa Uongozi wa Wilaya tayari umejipanga kwa kuupokea mradi huo na wameahidi kutoa ushirikiano wa kutosha kwa Mkandarasi huyo kwa kumpatia eneo la kuchimba mchanga na kokoto za ujenzi.

Naye Meneja wa kiwanja cha ndege cha Musoma, Mohammed Bakari, alisema kuwa kiwanja hicho kitajengwa na Kampuni ya kikandarasi ya Beijing kutoka China ambapo itatumia miezi 20 kuanzia mwezi Aprili, 2021 na kutarajiwa kukamilika mwezi Desemba, 2022.

Ameafafanua kuwa Mkandarasi huyo tayari ameshawasilisha vifaa vyake katika eneo la mradi kwa ajili ya kuanza rasmi ujenzi huo, na kusositiza kuwa ujenzi wa kiwanja hicho unasimamiwa na Wakala wa Barabara Tanzania (TANROADS), mkoa wa Mara.

WAZIMAMOTO 72 WA VIWANJA VYA NDEGE NCHINI WAPANDISHWA CHEO CHA UKOPLO

ASKARI 72 wa Jeshi la Zimamoto na Uokoaji kwenye vituo mbalimbali vya Viwanja vya Ndege nchini wame-pandishwa cheo cha ukoplo baada ya kuhitimu mafunzo ya awali ya uongozi yaliyofanyika kwenye Chuo cha Jeshi hilo cha Chogo kilichopo wilaya ya Handeni mkoani Tanga.

Wazimamoto waliotunukiwa vyeo hivyo ni kutoka Viwanja vya ndege vya Mwanza, Dodoma, Lindi, Mpanda, Kigoma, Kilwa Masoko, Moshi, Arusha, Manyara, Mtware, Masasi, Musoma, Shinyanga, Songea, Tabura, Tanga, Songwe na Julius Nyerere JNIA).

Hata hivyo, wazimamoto hao ni miongoni mwa Wazimamoto 400 wa jeshi hilo waliopata mafunzo hayo kwa nchi nzima, ambapo wengine wapo kwenye vituo vingine tofauti na viwanja vya ndege.

Akitunuku vyeo hivyo kwa Wazimamoto wa Kiwanja cha Ndege cha Kimataifa cha Julius Nyerere (JNIA), Kamishna Mwandamizi Msaidizi wa Jeshi hilo, ambaye pia ni Mkuu wa Zimamoto na Uokoaji kwenye Mam-

laka ya Viwanja vya Ndege nchini (TAA), SACF Elia Kakwembe amewataka wahitimu hao kuendelea kufanya vyema kwa kujituma zaidi kwenye majukumu yao na sio kubweteka baada ya kupewa cheo hicho. maana bado wapo chini ya uangalizi.

“Sasa msiende kutambia baa hivi vyeo mjue cheo ni dhamana, tunataka muendelee kufanya vizuri maana nyie mmeshakuwa viongozi na mtakuwa mnafuatiliwa kwani cheo sio kabilia wala jina la mtu na ukifanya ndivyo sivyo kinaondolewa mara moja na tutaendelea kuwafuutilia,” amesema Afande Kakwembe.

Hatahivyo, amewataka Wazimamoto hao kuwa wabunifu kwa kuibua mambo mazuri ya kuifanya JNIA kusonga mbele zaidi katika masuala ya uzimajimoto na uokoaji.

Naye Kaimu Kamanda wa Kituo cha Zimamoto na Uokoaji cha JNIA,



Mkaguzi Maria Luoga amewata- jeshi na kituo chake cha kazi, pia awe na upendo baina ya wenzake na raia, hali kadhalika awe na uvumilivu hususan katika nyakati za hatari.

“U nyingine ni pamoja na askari lazi- ka wahitimu hao kuzingatia ‘U 10’, ma awe na uhakika na umakini wa kila ambazo ni uzalendo ambapo askari jambo analofanya, pia awe na uelewa na anatakiwa kuwa mzalendo kwa nchi, ukakamavu, pia wawe watanashati kati- ka mavazi yao na mwisho wawe na utii kwa kila mtu ili waweze kufanya kazi zao kwa ufanisi,” amesema MRFFS Luoga.



KURUDISHA KWA JAMII

TAA YATOA MSAADA KUIMARISHA ULINZI



Baadhi ya vifaa vya ulinzi shirikishi vikikabidhiwa kwa Mwenyekiti wa Mtaa wa Vituka Bw, Waziri Athumani Mwinyihamisi kutoka kwa Mkuu wa Kitengo cha Mazingira (TAA) Bw. Maximillian Mahangila kwa niaba ya Mkurugenzi Mkuu wa Mamlaka ya Viwanja vya Ndege Tanzania. (katikati Kamishana Msaidizi wa Polisi ACP.Jeremiah Shila).

Mamlaka ya Viwanja vya Ndege Tanzania imetoa msaada wa Vifaa vya ulinzi shirikishi katika mitaa mitatu inayozunguka Kiwanja cha ndege cha Kimataifa cha Julius Nyerere ikiwa ni sehemu ya Utekelezaji wa Sera ya kurudisha kwa jamii ya TAA.

Akikabidhi vifaa hivyo Mkuu wa Kitengo cha mazingira Bw, Maximillian Mahangila kwa niaba ya Mkurugenzi Mkuu wa TAA amesema, dhumuni la msaada huo ni kujenga mahusiano mema kwa jamii inayozunguka Kiwanja , kuhamasishajuu ya utunzaji wa mazingira yanayozunguka Kiwanja hicho na kuimarisha ulinzi wa maeneo ya karibu ya Kiwanja hicho.

"Pamoja na msaada huu lengo ni kuhamasisha juu ya utunzaji wa mazingira yanayozunguka Kiwanja cha Ndege cha JNIA kwani endapo hakutakuwa na mazingira safi yanayozunguka kiwanja Usalama wa ndege utakuwa mdogo kwani ndege Wanyama watazaliana na kuleta hali hatarishi kwa usalama wa kiwanja na abiria wake" amesema Bw, Mahangila Naye Kamishana Msaidizi wa Polisi Viwanja vya Ndege Tanzania ACP Jeremiah Shila aliembatana na Bw, Mahangila ame-

sema pamoja na msaada uliotolewa na Viwanja vya Ndege pia lengo ni kuwakumbusha kwamba Jeshi la Polisi linashirikiana na wananchi katika kutunza amani ya Mitaa yao na kutokana na amani hiyo Mamlaka ikipata faida inayopatikana kutokana na uendeshaji wa viwanja vya ndege hurudi na kuendeleza jamii na kujenga Zahanati, Shule, Barabara n.k na kusaidia jamii ileile. Naye mwenyekiti wa Serikali ya Mtaa wa Vituka Bw, Waziri Athumani Mwinyihamisi amesema, "tunashirikiana vyema na Kiwanja cha Ndege cha Kimataifa cha Julius Nyerere katika masuala mbalimbali ya ulinzi na utunzaji wa mazingira na tumekuwa bega kwa bega katika kutoa msaada kwa Mtaa wa Kipunguni na tunaendelea kuelimisha wananchi ili waweze kulinda Kiwanja kwa manufaa yao na nchi kwa ujumla"

mstari wa mbele ili kuimarisha ulinzi na usalama wa maeneo yetu" amesema Bw, Waziri.

Naye Mtendaji wa Serikali ya Mtaa wa Kipunguni Bw, Batholomeo Lyimo amesema, "tunashirikiana vyema na Kiwanja cha Ndege cha Kimataifa cha Julius Nyerere katika masuala mbalimbali ya ulinzi na utunzaji wa mazingira na tumekuwa bega kwa bega katika kutoa msaada kwa Mtaa wa Kipunguni na tunaendelea kuelimisha wananchi ili waweze kulinda Kiwanja kwa manufaa yao na nchi kwa ujumla"

Baadhi ya wananchi ambao ni Sungusungu katika Mtaa wa Vituka wakiwa kwenye mukutano wa makabidhiano ya msaada wa vifaa vya ulinzi shirikishi.

Mitaa ambayo imekabidhiwa vifaa hivyo vya ulinzi shirikishi ni pamoja na Mtaa wa Kipunguni, Sigara na Vituka iliyozunguka katika eneo la kiwanja cha ndege cha kimataifa cha Julius Nyerere ambayo imekabidhiwa "reflector", firimbi, virungu, makoti ya mvua, gambuti, viatu vya ulinzi, na tochi.

Mamaka ya viwanja vya ndege Tanzania imekuwa ikifanya utekelezaji wa Sera yake ya kurudisha kwa jamii (CSR) na kutoa misaada mbalimbali katika jamii ili kujenga mahusiano mema na ushirikiano mzuri kwa jamii zilizozunguka Viwanja vya Ndege nchini.

si amesema anaushukuru sana Uongozi wa Mamlaka ya Viwanja vya Ndege Tanzania kwa msaada wa vifaa hivyo vya ulinzi shirikishi katika Mtaa huo na ameahidi msaada huo utakuwa kwa lengo la kufanyia kazi husika na si kwa mwananchi yoyote kwenda kufanyia matumizi binafsi.

"tunawaahidi kushirikiana pamoja katika kuimarisha ulinzi wa Kiwanja kutoa taarifa ya matukio ya kihalifu katika maeneo yanayozunguka kiwanja cha ndege na kuwa



@tanzaniaairports



www.taa.go.tz



info@airports.go.tz

TAA YATOA MSAADA WA SARUJI MPANDA VIJIJINI



Mamlaka ya Viwanja vya ndege Tanzania imekabidhi mifuko 300 ya saruji katika Jimbo la Mpanda Vijijini Mkoani Katavi kama sehemu ya Sera ya kurudisha kwa jamii.

Akikabidhi mifuko hiyo kwa niaba ya Mkurugenzi Mkuu wa Mamlaka ya Viwanja vya Ndege Tanzania, Meneja wa Kiwanja cha Mpanda Bw, Jeff Shantiwa amesema lengo la msaada huo ni kusaidia kutatua tatizo la vyumba viwili vya madarasa katika shule ya Msingi ya Ngomalusambo ambapo kati ya mifuko hiyo 150 itasaidia kujenga zahanati katika Kijiji cha Bungwe.

“ Hii ni Sera ya TAA, tunarudisha kwa umma na katika Mkoa huu wa Katavi tumefanya zaidi ya mara mbili, tulifanya Mpanda Mjini, Jimbo la Nsimbo na leo tuko hapa Jimbo la Mpanda Vijijini”

Bw, Shantiwa ametoa wito kwa wanafunzi kusoma kwa bidii huku akiwahimiza viongozi wal-

iokabidhiwa kusimamia msaada huo wawe makini katika majukumu waliyopewa ili kufikia malengo kusudiwa.

Kwa upande wake Katibu wa Mbunge wa Jimbo la Mpanda Vijijini Bw, Frank Kibigas ameishukuru Mamlaka huku akibainisha changamoto za mifundo mbinu ya shule ni kubwa hali inayopelea mrundikano wa wanafunzi katika baadhi ya shule na kupatikana kwa msaada



TAA YATOA MSAADA WA SARUJI PERAMIHO



Mbunge wa Jimbo la Peramiho (katikati) Bi Jenista Mhagama akikabidhiwa mfuko wa saruji kama kiwakilishi cha mifuko 200 ya Saruji kutoka kwa Meneja wa Kiwanja cha Ndege cha Songea (mwenye Tshirt nyeusi) Bw. Jordan Mchami aliyeambatana na Watumishi wengine wa kiwanja hicho.

Mamlaka ya Viwanja vya Ndege Tanzania imekabidhi mifuko ya saruji 200 (tani 10) kupitia Kiwanja cha ndege cha Songea.

Makabidhiano hayo yamefanyika baina ya Meneja wa Kiwanja cha ndege cha Songea Bw. Jordan Mchami kwa niaba ya Mkurugenzi Mkuu wa TAA na Ofisi ya Mbunge wa Jimbo la Peramiho ikiongozwa na Mbunge wa Jimbo hilo ambaye pia ni Waziri wa nchi Ofisi ya Waziri Mkuu

Mhe, Jenista Mhagama. Msada huo wa saruji ni sehemu ya utekelezaji wa Sera ya kurudisha kwa Jamii (CSR) ya Mamlaka ya Viwanja vya ndege Tanzania.



UONGOZI WA KIWANJA CHA NDEGE CHA KIMATAIFA CHA JULIUS NYERERE, WAKABIDHI VIFAA VYA USAFI SERIKALI YA MTAAC



Kaimu Meneja Uendeshaji kiwanja cha ndege cha Kimataifa cha Julius Nyerere Bw. Fadhili Magehema (wa pili kutoka kushoto), Afisa Uendeshaji Bw, Abas Rweyemamu (wa kwanza kushoto) na Afisa Usalama Victor Mabotwe (kwanza kushoto) pamoja na Uongozi wa Serikali ya Mtaa wa Vituka mara baada ya kukabidhi vifaa vya usafi.

Kaimu Meneja Uendeshaji wa Kiwanja cha Ndege cha Kimataifa cha Julius Nyerere (JNIA) Bw, Fadhili Magehema, amekabidhi vifaa vya usafi katika Mitaa minne ya Serikali za Mitaa iliyopo kata ya Kipawa Wilaya ya Ilala kwa lengo la usafi na udhibiti wa Wanyama pori na ndege hai maeneo yanayozunguka Kiwanja cha ndege cha Kimataifa cha JNIA ili kupunguza hatari inayoweza kuleta madhara katika ndege zinazotua kiwanjani hapo.

Bw, Magehema amekabidhi vifaa hivyo kwa niaba ya Mkurugenzi wa Kiwanja cha ndege cha Kimataifa cha Julius Nyerere katika Mitaa ya Mji Mpya, Karakata, Yombo Vituka na Kipunguni na ameeleza kua huo ni utekelezaji wa takwa la muongozo wa udhibiti wa wanyama pori na ndege hai na lengo kuu ni kuelimisha jamii kwa kushirikiana na Serikali za Mitaa katika kutunza mazingira yanayozunguka Viwanja vya ndege.



Vifaa vilivyotolewa katika Mitaa hiyo ni pamoja na pipa za kuhifadhi taka, toroli, fagio za nje, viatu vya ulinzi na glavu ngumu, Vifaa vingine ni reki-fyekeo, chepe ,mapanga na reflectors vyote vikigaiwa kwa uwiano sawa kwa kila Mtaa.

MATUKIOA KATIKA PICHA



Kamishna Msaidizi wa Jeshi la Polisi Viwanja ya Ndege Tanzania ACP Jeremiah Shila, akitoa maelezo ya moja ya kifaa cha ulinzi shirikishi kwa Mwenyekiti wa Mtaa wa Sigara Bw. Philemon Gota mara baada ya kukabidhiwa vifaa hivyo.



Mkurugenzi Rasilimali watu Bi. Naomi Semedio, akimpa mkono wa pongezi Mstaafu Bw. Mwita Marwa (mwenye suti) baada ya kumpatia zawadi katika tafrija fupi ya kumuaga iliyofanyika hotel ya FQ Ukonga, Majumba sita.



Timu ya Wizara ya Ujenzi na Uchukuzi iliyotumwa kuangalia uwezekano wa upanuzi wa kiwanja cha ndege cha Resolute Wilayani Nzega kwa ajili ya kuruhusu kuruka na kutua kwa ndege kuititia kiwanja hiecho.



Mkufunzi wa mafunzo ya kusimamia utekelezaji wa Mfumo jumuishi wa uongozi katika viwango vya Kimataifa (ISO) Viwanja vya Ndege nchini, Mhandisi Samwel Mruma (kulia), akiweka sawa taarifa zake kabla ya darasa kuanza, Kibaha mkoani Pwani.



Kikosi cha timu ya Mamlaka ya Viwanja vya Ndege Tanzania Dar es Salaam, kilichopata ushindi wa goli 4 - 2 kutoka kwa Klabu ya michezo ya Uchukuzi juzi katika viwanja vya jeshi la Anga viunga Uwanja wa Ndege. Mchezo huo ulikua ni muendelezo wa mechiki kirafliki kwa timu hio



@tanzaniaairports



www.taa.go.tz



info@airports.go.tz



TAA YAIPA ADHABU TPA IKIWA UGENINI

Timu ya soka ya wafanyakazi wa Mamlaka ya Viwanja vya Ndege Tanzania (TAA) jijini Dare Salaam imepata ushindi wa goli mbili kwa moja dhidi ya wapinzani wao wakuu kutoka Mamlaka ya Bandari Tanzania (TPA) katika uwanja wao Harbors Club viunga vya Kurasini.

Mechi hiyo ikiwa ya aina yake, TAA ililingiza timu bila ya kuwa na wachezaji wa akiba huku kwa upande wa timu ya TPA ikiwa wamekamilika. Timu ya TAA ndio ilianza kupata magoli yake kuititia kwa kiungo wake mata-ta Jovan Methew katika kipindi cha kwanza cha mchezo huo huku goli la pili likifungwa na winga machachali Idrissa Mkala katika dakika za mwanzo kipindi cha pili, huku kapteni wa bandari akiwappatia TPA goli la kufutia machozi dakika ya 89 ya kipindi cha pili. Mara baada ya mechii hiyo wachezaji na viongozi wa timu zote



mbili hawakuweza kupata nafasi ya kuka na kuzungumza kutokana na hali mvua iliyojiteza kiwanjani hapo. Hata hivyo timu ya TPA iliahidi kuomba mechii ya marudiano na timu ya TAA.

Wakati huohuo timu ya TAA ilicheza

mchezo wa kirafiki na timu ya wafanyakazi wa TICSI na matokeo yalikua ni goli 4 - 2.

Timu ya TAA inaendelea kujinoa kwa mazoezi ili kushiriki bonanza litakalofanyaika mwishoni mwa mwezi Octoba.

WATUMISHI WA MAMLAKA YA VIWANJA VYA NDEGE WAPATA MEDALI KATIKA CRDB MARATHON

Maafisa Usalama wa Kiwanja cha Ndege cha Kimataifa cha Julius Nyerere (JNIA), Bw. Issack Ugama (kushoto) na Ezekiel Wilson (kulia) wameshiriki mbio za marathoni zilizoandaliwa na benki ya CRDB na kuhudhuriwa na mgeni rasmi Waziri Mkuu Mh. Kassim Majaliwa Majaliwa ambapo mbio hizo zilifanyika jijini Dar es Salaam.

Bw. Izack Ugama ameshiriki mbio za kilometa 21 na Bw. Ezekiel Wilson ameshiriki mbio za kilometa 10, washiriki hao waliweza kukabidhiwa medali za ushiriki wa mbio hizo zilizokuwa na lengo la kuchangia fedha kwa ajili ya matibabu ya watoto wenye matatizo ya moyo.

Zawadi kwa washindi na medali za ushiriki zimetolewa na Mgeni rasmi Waziri Mkuu wa Jamhuri ya Muungano wa Tanzania, Mh. Kassim Majaliwa Mjaliwa.

